



АКАФИСТ

**Пресвятой Богородице
в честь иконы Ее
«Нечаянная Радость»**



Тропарь, глас 4

Днесь вѣрнии людіе / духовно торжествѹем, / прославляюще Застѹпницу усѣрдную рѣда христіанскаго / и притекающе к пречѣстому Ея образу, зываем сѣце: / о, Премѣлостивая Владычице Богородице, / подаждь нам нечаянную радость, / обременѣнным грехи и скорбми многими, / и избави нас от всякаго зла, // молящи Сына Твоего, Христа Бога нашего, спасти души наша.

Кондак, глас 6

Не имамы инья помощи, / не имамы инья надежды, / разве Тебе, Владычице. / Ты нам помози, / на Тебе надеемся / и Тобою хвалимся, // Твой бо есмь раби, да не постыдимся.



Акафист Пресвятой Богородице в честь иконы Ее «Нечаянная Радость»

Кондак 1

Избранной от всех родов Божией Матери и Царице, явившейся иногда к человеку беззаконну, во еже отвратить его от пути нечестия, благодарственное пение приносим Ти, Богородительнице; Ты же, яко имущая милосердие неизреченное, от всяких нас бед и грехов свободи, да зовем Ти:

Радуйся, нечаянную радость верным дарующая.



Икос 1

А́нгели и пра́ведных ду́ши удиви́-
шася, егда́ предста́ла еси́ пред Сы́ном
Твои́м и Бо́гом и мно́гим моле́нием
ходата́йствовала еси́ о челове́це, прísно
во гресéх пребыва́ющем; мы же, очима́
ве́ры толи́кое Твое́ благоутро́бие зря́ще,
со умилéнием взыва́ем Ти си́це:

Ра́дуйся, моли́твы всех христиа́н
прие́млющая; ра́дуйся, и са́мых
отча́нных грéшников моле́ния не
отверга́ющая.

Ра́дуйся, к Сы́ну Твоему́ о них
предста́тельствующая; ра́дуйся,
неча́нную ра́дость спасéния им
подаю́щая.

Ра́дуйся, предста́тельством Твои́м
весь мир спаса́ющая; ра́дуйся, вся
на́ша печа́ли утоля́ющая.

Ра́дуйся, Ма́ти всех Бо́га, озло́б-



ленных души утешающая; радуйся,
жизни нашей добре устрояющая.

Радуйся, избавление от грехов всем
человеком принеся; радуйся,
Радость всему миру родившая.

Радуйся, нечаянную радость верным
дарующая.

Кондак 2

Видящи Пресвятая человека, аще
и беззаконна, но на всяк день с верою
и упованием пред честною Ея иконою
долу повергающагося и Архангель-
ское приветствие Ей приносящаго, внят
и таковаго грешника славословию, да
вси, зряще Ея матернее милосердие, на
Небеси и на земли вопиют Богу: Алли-
луйя.

Икос 2

Разум человеческий воистину
превосходит любовь Твоя к роду



христианскому, яко и тогда не престала еси от ходатайства Твоего о человеце беззаконном, егда Сын Твой показа Тебе язвы гвоздиныя, грехи человеческими Ему содеянные. Зряще Тя, толико неотступную Предстательницу за нас, грешных, со слезами вопиём Ти:

Радуйся, Заступнице усердная рода христианскаго, от Бога нам дарованная; радуйся, Путеводительнице наша, к Небесному Отечеству нас возводящая.

Радуйся, верных ограждение и прибежище; радуйся, помощи всех, призывающих имя Твое святое.

Радуйся, всеми презренных и отверженных от рова погибели исхищающая; радуйся, тех на путь правый обращающая.

Радуйся, непрестанное уныние и мрак душевный отгоняющая;



**ра́дуйся, иждѣвѣшим от недѣга ум
но́вый и лу́чший смы́сл подаю́щая.**

**Ра́дуйся, оста́вленных врача́ми на
Своя́ всемо́щныя ру́це приѣмлю́щая;
ра́дуйся, до́брейшее враче́ство им
являю́щая.**

**Ра́дуйся, неча́янную ра́дость ве́рным
да́рующая.**

Кондак 3

**Си́ла благода́ти преизоби́ловала
та́мо, иде́же умно́жися грех; да ра́ду-
ются на Небеси́ вси А́нгели о еди́нем
gréшнице пока́вшемся, пою́ще пред
Престо́лом Бо́жиим: Аллилу́ия.**

Икос 3

**Иму́щи к ро́ду христиа́нскому
ма́тернее милосе́рдие, всем с ве́рою
и упова́нием прибега́ющим к Тебе́
пода́еши ру́ку по́мощи, Влады́чице, да**



**вси еди́ным се́рдцем и еди́ными усты́
славосло́вие прино́сят Ти сицевое́:**

**Ра́дуйся, я́ко Тобо́ю к нам нисхо́дит
Бо́жие благоволе́ние; ра́дуйся, я́ко
Тобо́ю и мы има́мы вящшее к Бо́гу
дерзнове́ние.**

**Ра́дуйся, я́ко во всех беда́х и обсто-
я́ниих на́ших прино́сиши Сы́ну
Твоему́ усер́дныя о нас моли́твы;
ра́дуйся, я́ко и на́ши моли́твы прия́т-
ными Бо́гу соде́ловаеши.**

**Ра́дуйся, я́ко невидимых враго́в
от нас отгоня́еши; ра́дуйся, я́ко от
видимых враго́в нас избавля́еши.**

**Ра́дуйся, я́ко сердца́ злы́х челове́к
умягча́еши; ра́дуйся, я́ко от клеветы́,
досаждéния и укорéния нас
изыма́еши.**

**Ра́дуйся, я́ко Тобо́ю вся благáя
желáния на́ша исполня́ются;
ра́дуйся, я́ко мно́го мо́жет моли́тва**



Твоя́ пред Сы́ном Твои́м и Бо́гом.

**Ра́дуйся, неча́янную ра́дость ве́рным
да́рующая.**

Кондак 4

**Бу́рю вну́три имѣя грехо́вных
помышле́ний, челове́к беззаконе́н
моля́шеся пред честною́ иконо́ю Твое́ю
и, ви́дев кро́вь от язв́ Предвѣчнаго Сы́на
Твоего́ пото́ками, яко́же на Кресте́,
теку́щую, паде́ от стра́ха и с рыда́нием
та́ко вопия́ше Ти: “Поми́луй мя, о Ма́ти
милосе́рдия, да не преодоле́ет зло́ба
моя́ неизрече́нныя бла́гости и мило-
се́рдия Твоего́, Ты бо еси́ всем грѣш-
ником еди́на Наде́жда и Прибе́жище;
преклони́ся у́бо на ми́лость, Блага́я
Ма́ти, и умоли́ о мне Сы́на Твоего́
и Творца́ моего́, да непреста́нно зову́
Ему́: Аллилу́ия.**



Икос 4

Слы́шавше небожи́тели о чуде́сном
моли́твами Твои́ми спасе́нии их земна́го
ги́бнущаго бра́та, просла́виша Тя, благо-
се́рдую Цари́цу Небесе́ и земли́; и мы,
гре́шнии, све́давшие таково́е подо́бнаго
нам гре́шника заступле́ние, а́ще
и недоумева́ет язы́к наш восхва́лити Тя
по досто́янию, от глуби́ны умиле́ннаго
се́рдца на́шего воспевáем Ти си́це:

Ра́дуйся, Споручни́це спасе́ния
гре́шных; ра́дуйся, Взыска́ние
поги́бших.

Ра́дуйся, Неча́янная гре́шных
Ра́досте; ра́дуйся, па́дших возста́ние.

Ра́дуйся, Предста́тельнице к Бо́гу,
мир от бед спаса́ющая; ра́дуйся, я́ко
гла́са моли́тв Твои́х бе́си трепещу́т.

Ра́дуйся, я́ко А́нгели сему́ ра́дуются;
ра́дуйся, я́ко и нас, земноро́дных,



**сила молитв Твоих веселия испол-
няёт.**

**Рáдуйся, я́ко те́ми от т́ины грехо́в нас
изыма́еши; ра́дуйся, я́ко пла́мень
страсте́й на́ших угаша́еши.**

**Ра́дуйся, неча́янную ра́дость ве́рным
да́рующая.**

Кондак 5

**Боготе́чную звезду́ — чудотво́рную
ико́ну Ма́тере Твоея́́ показáл еси́ нам,
Го́споди, и́бо, взира́юще на о́браз Ея́́
телесны́ма очы́ма, умо́м и се́рдцем
к Первообра́зней возвыша́емся и Ё́ю
к Тебе́ востека́ем, пою́ще: Аллилу́ия.**

Икос 5

**Ви́девше А́нгели Храни́тели
христи́ан, я́ко Бо́жия Ма́терь споспе-
шеству́ет им в наставле́нии тех, засту-
плéнии и спасе́нии, потща́шася си́це**



возопіти честнѣйшей Херувім и слáвнейшей без сравнѣния Серафім:

Рáдуйся, с Сýном Твоім и Бóгом вѣчно цáрствующая; рáдуйся, Емý всегда о рóде христиánством молѣния приносящая.

Рáдуйся, в христиánстей вѣре и благочѣстии Настáвнице; рáдуйся, ересей и тлетвóрных раскóлов Искоренительнице.

Рáдуйся, от растлевающих дýшу и тѣло соблáзнов сохраняющая; рáдуйся, от опáсных обстояній и внезапных смѣрти, без покаянiя и Святаго Причащѣния, избавляющая.

Рáдуйся, уповающим на Тя животá непосты́дный конѣц дáрующая; рáдуйся, и по смѣрти за отшѣдшую на суд Госпóдень дýшу пред Сýном Твоім неотстýпно ходáтайствующая.



**Ра́дуйся, Твои́м ма́терним предста́-
тельством от вѣчнаго мучѣния сию́
избавля́ющая.**

**Ра́дуйся, неча́янную ра́дость ве́рным
да́рующая.**

Кондак 6

**Пропове́дник чу́днаго Твоего́ мило-
се́рдия, дарова́ннаго не́кому человеку́
беззако́нну, яви́ся святы́й Дими́трий
Росто́вский, и́же, спису́я вели́кая
и сла́вная и изрядна́я дела́ Бо́жия,
в Тебе́ явле́нная, предаде́ пи́сьмени
и сие́ де́ло ми́лости Твое́я в научѣние
и утешѣние всем ве́рным, да и ти́и, во
гресѣх, бедáх, ско́рбех и озлоблѣниих
суще, мно́гажды на всяк день с ве́рою
в моли́тве пред о́бразом Твои́м колѣна
преклоня́ют и, тех избывше, вопиу́т
Бо́гу: Аллилу́ия.**



Икос 6

Возсия́ нам, яко пресвѣтлая заря,
чудотворная икона Твоя́, Богомати,
прогоня́я тьму бед и скорбей от всех,
с любовью вопиющих Ти сице:

Ра́дуйся, Целительнице наша
в болезнях телесных; ра́дуйся,
Благая Утешительнице в печалех
наших душевных.

Ра́дуйся, скорбь нашу в радость
претворяющая; ра́дуйся, ненадею-
щихся несумненною надеждою
возвеселяющая.

Ра́дуйся, алчущих Питательнице;
ра́дуйся, нагих одеяние.

Ра́дуйся, вдов Утешительнице;
ра́дуйся, безматерних сирот
незримая Воспитательнице.

Ра́дуйся, неправедно гонимых
и обидимых Заступнице; ра́дуйся,



гонящих и обидящих правосудная
отмстительнице.

Радуйся, нечаянную радость верным
дарующая.

Кондак 7

Хотя́ Законода́вец правосудный
Госпо́дь Сам бы́ти зако́на Исполни́тель
и яви́ти милосе́рдия Своего́ бездну,
преклони́ся на усе́рдное моле́ние Твое́,
Преблагослове́нная Ма́ти Де́во, о чело-
вече́ беззаконне, глаго́ля: «Зако́н пове-
лева́ет, да сын чтит ма́терь. Аз Сын Тво́й,
Ты же Ма́ти Моя́: Аз Тя до́лжен чтити,
послу́шая Твоего́ моле́ния; бу́ди у́бо,
якоже хощеши: ны́не проща́ются ему́
греси́ Тебе́ ра́ди». Мы же, ви́дяще
такову́ю си́лу моли́твы Хода́таицы
на́шей о прощёнии согрешёний на́ших,
просла́вим милосе́рдие и неизрече́нное
благоутро́бие Ея́, зову́ще: Аллилу́ия.



Икос 7

Но́вое дѣ́вное и сла́вное зна́мение
всем ве́рным явѣ́ся, я́ко не то́кмо
Ма́тери Тво́ей, но и пречи́стому Ея́ ли́ку,
на дскѣ́ изображе́нному, си́лу чудотво-
ре́ния дарова́л еси́, Го́споди; сему́ та́ин-
ству дивя́щися, во умилѣ́нии се́рдца
вопи́ем к Не́й такова́я:

Ра́дуйся, премúдрости и бла́гости
Бо́жия откровѣ́ние; ра́дуйся, ве́ры
утвержде́ние.

Ра́дуйся, благода́ти явлѣ́ние;
ра́дуйся, душеполе́зных зна́ний
дарова́ние.

Ра́дуйся, душевредных уче́ний
низложе́ние; ра́дуйся, беззаконных
навыков нетру́дное преодоле́ние.

Ра́дуйся, сло́во премúдрости про-
ся́щим да́рующая; ра́дуйся, несмы́с-
ленные разу́мныя соде́ловающая.



Ра́дуйся, де́тем, неудо́бь уча́щимся,
ра́зум подаю́щая; ра́дуйся, ю́ности
благáя Охранíteльнице и Настáв-
нице.

Ра́дуйся, неча́янную ра́дость ве́рным
да́рующая.

Кондак 8

Стра́нное и ужа́сное видéние
бы́сть не́коему чело́веку беззако́нну,
показу́я ему́ бла́гость Госпо́дню, пред-
ста́тельством Богома́тере грехи́ его́
проща́ющую; сего́ ра́ди отто́ле, исправль
своé житиé, поживé богоуго́дне. Си́це
и мы, сла́вная дела́ и многоразли́чную
прему́дрость Бо́жию в ми́ре и жи́зни
нашей ви́дяще, устрани́мся земны́я
суеты́ и изли́шних житéйских попе-
чéний и ум и сёрдце на́ше на небеса́
возведе́м, пою́ще Бо́гу: Аллилúя.



Икос 8

**Вся в вѣшнихъ пребывающа,
и нижнихъ никакоже отступила еси,
Премилосердая Царице Небесъ
и земли; аще бо по Успении Твоемъ
и возшла на Небеса с Пречистою Твоею
плотию, обаче и грешныя земли не
оставила еси, являющися Причастница
Промысления Сына Твоего о роде
христианствомъ. Сего ради Тя по долгу
ублажаемъ:**

**Радуйся, сияниемъ пречистой души
Твоя всю землю просветившая;
радуйся, чистотою телесъ Твоего
вся небеса возвеселившая.**

**Радуйся, Промысления Сына Твоего
о роде христианствомъ Святаѣ Служительнице;
радуйся, о всемъ мире
усердная Предстательнице.**

Радуйся, всехъ насъ при Крестѣ Сына



Твоего усыновившая; радуйся, всегда матернюю любовь к нам являющая.

Радуйся, всех даров, духовных и телесных, независтная Подательнице; радуйся, благ временных Ходатаице.

Радуйся, двери Царствия Христова верным отверзающая; радуйся, и на земли чистаго веселия сердца их исполняющая.

Радуйся, нечаянную радость верным дарующая.

Кондак 9

Всякое естество ангельское удивися делу Твоего милосердия, Господи, яко даровал еси толико твердую и теплую Заступницу и Помощницу роду христианскому, нам невидимо спребывающую, слышащу же Тебе поющих: Аллилуия.



Икос 9

Ветія многовещанная, но не богопросвещенная суесловят, яко поклонение святому образу аки бы поклонение идолу есть; не разумют бо, яко честь, святому образу воздаваемая, на Первообразная восходит. Мы же не токмо сия добре ведуще, но и от верных человек о многих чудотворениях от лика Богоматере слышаще, и сами поклонением ему потребная ко временной и вечной жизни приемлюще, с веселием Богородице взываем:

Радуйся, яко от священнаго лика Твоего чудеса дуются; радуйся, яко утайся премудрость и благодать сия от мудрых и разумных века сего.

Радуйся, яко открылся та младенцем в вере; радуйся, яко прославляющих Тя прославляеши.

Радуйся, яко отвергающих Тя пред



всѣми посрамляеши; радуйся, яко от потоплѣния, огня и мечá, от смертоносныя язвы и от всякаго зла прибегающих к Тебѣ избавляеши.

Радуйся, яко вся болѣзни челове́чести, душе́вныя и телѣсныя, мѣлостивно врачуеши; радуйся, яко прáведный гнев Бóжий на нас Твоѣм молѣнием скóро утоляеши.

Радуйся, яко Ты еси́ тѣхое приста́нище от бурь пла́вающим по мóрю житѣйскому; радуйся, яко и по концѣ житѣйскаго пла́вания на́шего надёжно приводиши нас в необуреваемую страну́ Цáрствія Христо́ва.

Радуйся, неча́янную ра́дость вѣрным да́рующая.

Кондак 10

Спасти́ хотя́щи челове́ка нѣкоего беззако́нна от заблуждѣния жи́з-



неннаго путі егó, дівное видѣние от пречестнїя икóны Твоея показáла есі ему́, Преплагословѣнная, да, чúdo вїдя, пока́ется и, из глубинѣ грехóвныя милосѣрдым промыслѣнием Твоімъ воздвїгнутый, вопиѣт Бóгу: Аллилуїя.

Икос 10

Стенá есі дѣвам, Богорóдице Дѣво, и всем к Тебѣ притека́ющим, ѡбо Небесѣ и землі Творѣц, вселївыйся во утрóбу Твою́ и от Тебѣ родївыйся, явї Тя, Приснодѣву, стража дѣвства, чистоты́ и целомудрїя и сосудъ всякїя добродѣтели, и всѣхъ возглашáти Тебѣ научї:

Рáдуйся, стóлпе и ограждѣние дѣвства; рáдуйся, чистоты́ и целомудрїя незрїмая Охранїтельница.

Рáдуйся, дóбрая дѣвам Настáвнице; рáдуйся, невѣст благáя Украсїтельница и Спорúчнике.



Ра́дуйся, всежелáнное соверше́ние
благих супру́жеств; ра́дуйся, ма́терей
детородя́щих ско́рое разреше́ние.

Ра́дуйся, младе́нцев воспита́ние
и благодáтное охране́ние; ра́дуйся,
безча́дных роди́телей плода́ми ве́ры
и Ду́ха веселя́щая.

Ра́дуйся, ма́терей скорбя́щих
утеше́ние; ра́дуйся, та́йное весе́лие
чи́стых дев и вдови́ц.

Ра́дуйся, неча́янную ра́дость ве́рным
да́рующая.

Кондак 11

Пе́ние всеумиле́нное принося́ще Ти,
недостóйнии, прóсим Тебе́, Де́во Бого-
ро́дице: не прэ́зри гла́са рабо́в Твои́х;
к Тебе́ бо в напáстех и ско́рбех прибе-
га́ем и пред Тобо́ю в беда́х на́ших слéзы
пролива́ем, пою́ще: Аллилúя.



Икос 11

Светоподательную свещу, сущим во тьме греха и юдоли плача явившуюся, зрим Святую Деву; духовный бо огонь молитв Своих, наставления и утешения возжигаящи, приводит к Свету Невечернему всех, воззванию почитающих Ю сими:

Радуйся, Луче от Солнца Правды — Христа Бога нашего; радуйся, нечистую совесть просвещающая.

Радуйся, тайная и неудобь предвиденная вся добре ведущая и имже подобает сказующая; радуйся, лживых провидцев и суетная гадания посрамляющая.

Радуйся, в час недоумений мысль благу на сердце полагаящая; радуйся, в постѣ, молитве и богомыслии пребывающим присно



спребывающая.

**Рáдуйся, вѣрных пáстырей Цѣркве
ободряющая и вразумляющая;
рáдуйся, богобоязненных ѳноков
и ѳнокинь прѣсное утешѣние.**

**Рáдуйся, кáющихся пред Бóгом
грѣшников непостыдная Заступ-
нице; рáдуйся, всех христиáн тѣплая
Ходáтаице.**

**Рáдуйся, нечáянную рáдость вѣрным
дáрующая.**

Кондак 12

**Благодáть Божѣственную испроси́
нам у Сы́на Твоегó и Бóга, прости́ нам
ру́ку пóмощи, отжени́ от нас вся́каго
врагá и супостáта, умири́ нáшу жízнь,
да не погѣбнем люте́, без покая́ния, но
прими́ нас в вѣчныя крóвы, Богоро-
дѣтельнице, да рáдующесея поём Бóгу,
Тобóю нас спаса́ющему: Аллилу́ия.**



Икос 12

Поюще неизреченное матернее
Твое милосердие к человеку безза-
конну, восхваляем Тя вси, яко твердую
Предстательницу за нас, грешных,
и поклоняемся Тебе, о нас молящейся;
веруем бо и уповаем, яко испросиши
у Сына Твоего и Бога благая временная
и вечная всем, с любовью вопиющим
Ти сице:

Радуйся, всех наветов и искушений,
от мира, плоти и диавола нахо-
дящих, поправление; радуйся, нечаемое
примирение ожесточенно враж-
дующих.

Радуйся, неведомое исправление
нераскаянных грешников; радуйся,
изнемогающих от уныния и печали
скорая Утешительнице.

Радуйся, благодатию смирения
и терпения нас снабдевающая;



**ра́дуйся, клятвопреступлѣний
и неправѣдных стяжаний всена-
ро́дное обличѣние.**

**Ра́дуйся, от домашня брани
и вражды единокровныя міром
и любовью ограждающая; ра́дуйся,
от пагубных начинаний и несмыс-
ленных пожеланий нас незримо
отвращающая.**

**Ра́дуйся, во благих намерениих
наших присная Споспешнице;
ра́дуйся, в час кончины всем нам
Помощнице.**

**Ра́дуйся, нечаянную радость верным
дарующая.**

Кондак 13

**О Всепѣтая Мати, Невместимаго
Бога во чреве вместившая и Радость
всему міру родившая! Нынешнее
прими пение, вся наша печали на**



**ра́дость преложи́ и от вся́кия избáви
напа́сти всех и б́дущия изми́ мýки,
о Тебе́ вопию́щих: Аллилу́ия.**

Этот кондак читается трижды.

Икос 1

**А́нгели и пра́ведных ду́ши удивí-
шася, егда́ предста́ла еси́ пред Сы́ном
Твои́м и Бо́гом и мно́гим молéнием
ходата́йствовала еси́ о челове́це, прísно
во гресéх пребыва́ющем; мы же, очíма
вэры толи́кое Твое́ благоутрóбие зря́ще,
со умилéнием взыва́ем Ти си́це:**

**Ра́дуйся, моли́твы всех христиáн
приёмлю́щая; ра́дуйся, и са́мых
отча́янных грéшников молéния не
отверга́ющая.**

**Ра́дуйся, к Сы́ну Твоему́ о них
предста́тельствующая; ра́дуйся,
неча́янную ра́дость спасéния им
подаю́щая.**



**Ра́дуйся, предста́тельством Тво́им
весь мир спаса́ющая; ра́дуйся, вся
на́ша печа́ли утоля́ющая.**

**Ра́дуйся, Ма́ти всех Бо́га,
озло́бленных ду́ши утеша́ющая;
ра́дуйся, жити́е на́ше до́бре устро-
я́ющая.**

**Ра́дуйся, избавле́ние от грехо́в всем
челове́ком прине́сшая; ра́дуйся,
Ра́дость всему́ ми́ру роди́вшая.**

**Ра́дуйся, неча́янную ра́дость ве́рным
да́рующая.**

Кондак 1

**Избра́нной от всех родо́в Бо́жией
Ма́тери и Цари́це, яви́вшейся иногда́
к челове́ку беззаконну, во е́же отвра-
ти́ти его́ от пу́ти нече́стия, благода́р-
ственное пе́ние прино́сим Ти, Богоро-
ди́тельнице; Ты же, я́ко иму́щая мило-
се́рдие неизрече́нное, от вся́ких нас бед**



и грехов свободи́, да зове́м Ти:

**Ра́дуйся, неча́янную ра́дость ве́рным
да́рующая.**

Молитва

**О Пресвята́я Де́во, Всеблага́го Сы́на
Ма́ти Всеблага́я, гра́да и свята́го хра́ма
сего́ Покрови́тельнице, всех су́щих
во гресéх, ско́рбех, бедáх и болéзнях
ве́рная Предста́тельница и Засту́п-
нице! Приими́ моле́бное пéние сиé от
нас, недостóйных раб Твои́х (*имена*),
Тебе́ возносíмое, и я́коже дрéвле
грéшника, на вся́к день мно́гажды
пред честнóю ико́ною Твоéю моли́в-
шагося, не презрéла еси́, но даровáла
еси́ ему́ неча́янную ра́дость покая́ния
и преклонíла еси́ Сы́на Твоего́ мно́гим
и усéрдным к Немú ходáтайством
к прощéнию сего́ грéшнаго и заблу́-
ждшагося, тако́ и ны́не не прэ́зри**



моления нас, недостойных рабов Твоих, и умоли Сына Твоего и Бога нашего, да и всем нам, с верою и умилением поклоняющимся пред цельбоносным образом Твоим, дарует нечаянную по коегождо потребе радость: грешником, погрязшим во глубине зол и страстей — вседейственное вразумление, покаяние и спасение; сущим в скорбех и печалех — утешение; обретающимся в бедах и озлоблениях — совершенное сих избывание; малодушным и ненадежным — надежду и терпение; в радости и избылии живущим — непрестанное Благодарителю Богу благодарение; бедствующим — милосердие; сущим в болезни и долгонедужии и оставленным врачами — нечаемое исцеление и укрепление; иждившим от недуга ум — ума возвращение и обновление; отходящим в вечную и нескончаемую жизнь — память смертную,



умилѣние и сокрушѣние о гресѣхъ,
духъ бѣдръ и твѣрдую на милосѣрдие
Судий надежду. О Госпожѣ Пресвятая!
Умилосѣрдися о всехъ чтущихъ всечест-
ное имя Твое и всемъ яви всемоушный
покровъ Твой и заступлѣние: во благо-
честии, чистотѣ и честномъ житѣльстве
пребывающия до скончания ихъ во бла-
гости соблюди; злыя благи сотвори;
заблудшия на путь правый настави;
всякому делу благому и Сыну Твоему
угодному споспешествуй; всякое дело
злое и богопротивное разруши; в недо-
умѣнии и трудныхъ и опасныхъ обстоя-
нияхъ обретающимся незримую помощь
и вразумлѣние съ Небесъ ниспосли,
отъ искушений, соблазновъ и поги-
бели спаси, отъ всехъ злыхъ человекъ и отъ
враговъ видимыхъ и невидимыхъ защити
и сохрани; плавающимъ сплавай; путе-
шествующимъ спутешествуй; сущимъ
въ нуждѣ и глѣдѣ буди Питатель-



ница; неимущим крова и пристанища буди покров и прибежище; нагим подаждь одеяние; обидимым и неправедно гонимым — заступление; клевету, поношение и хуление терпящим незримо оправдай; клеветники и хулители пред всеми обличь; ожесточенно враждующим нечаемое подаждь примирение и всем нам — друг ко другу любовь, мир и благочестие и здравие с долгоденствием. Супружества в любви и единомыслии сохрани; супруги, во вражде и разделении сущия, умири, соедини друг ко другу и положи им союз любви неразрушимый; матерем деторождающим скорое подаждь разрешение; младенцы воспитай; юныя целомудри, отверзи им ум к восприятию всякаго полезнаго учения, страху Божию, воздержанию и трудолюбию настави; от домашня брани и вражды единокровныя миром



и любóвию огради́; безмáтерних сирот б́уди Мáтерь, от всякаго поро́ка и сквѣрны отврати́ я и все́му благо́му и Богоу́годному научи́, прельще́нныя же и во грех и нечистоту́ впа́дшия, сквѣрну грехá отъя́вши, из бѣздно́и погѣбели изведи́; вдов б́уди Утѣшительница и Помóщница, стáрости б́уди жѣзл; от внеза́пныя смѣрти без покая́ния всех нас избáви и всем нам христиáнскую кончи́ну живота́ нáшего, безболѣзненну, непосты́дну, мѣрну и дóбрый отвѣт на Стра́шнем Судѣ́щи Христóве да́руй; преста́вльшияся в вѣре и покая́нии от жития́ сего́ со А́нгелы и все́ми святы́ми жи́ти сотвори́; сконча́вшимся внеза́пною смѣртию мѣлостива б́ыти Сы́на Твоего́ умоли́; и о все́х усóпших, ѣже не ѣмут срóдников, о упоко́ении их Сы́на Твоего́ умоля́ющих, Самá б́уди непреста́нная и тѣплая Моли́твенница и Ходáтаица, да вси́ на Небеси́



и на земли вѣдят Тя, яко твёрдую
и непостыдную Предстательницу рѣда
христианскаго, и, вѣдуще, славят Тя
и Тобою Сына Твоего, со Безначальным
Его Отцем и Единосущным Его Духом,
ныне и присно и во веки веков. Аминь.

Величание

Величаем Тя, / Пресвятая Дѣво, /
Богоизбранная Отроковице, / и чтим
образ Твой святой, / имже точиши
исцеления // всем с верою притека-
ющим.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
<hr/>		
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость» ←
	3:00, 9:00, 15:00, 21:00	Слава Богу за всё